

蔡福州外紀

蔡福州外紀

上

蔡福州外紀小叙

北宋時墨池稱飛將者數十家而樹幟中原蘓黃而
外指未易一二屈則無若蔡學士君謨蓋君謨所摹
右軍諸帖骨肉具備而品藻家云秀麗軼顏數腴漂
柳旨哉迄今可不朽矣然則君謨獨以揮翰著乎四
賢一不肖詩都人繕寫紙為之貴而朝廷一切簡除
暨所建立有不當者封還之甚而溫成之寵帝為製
碑弗屑希旨取容又請罷其監護園陵之吏設在元
豐間構讒媒繫詎不以此抵深文中奇法如蘓黃之
瀕危以死恩深漢帝不遣長沙則何也時固有利有

不利也雖然時平主聖終始康衢而侃侃風裁特以
知遇故掩斯亦幸中之不幸邪緣輯外紀弁諸簡端
以見公立朝大節磊砢英多殆不欲以書法擅也

隅園居士陳甫伸撰

蔡福州外紀總目

卷一

恩寵七條

卷二

德行七條

卷三

政事二十七條

卷四

書學九十八條

卷五

蔡福州外紀

總目

執談 五十三條

卷六

賞鑒 三十一條

卷七

紀異 十三條

卷八

茶癖 三十三條

卷九

茶錄序

上篇論茶十則

色

香

味

藏茶

炙茶

碾茶

羅茶

候湯

下篇論茶器九則

點茶

煨盞

茶籠

茶焙

茶鈴

砵椎

茶羅

茶碾

茶匙

蔡福州外紀

總目

湯瓶

茶錄後序

卷十

荔枝譜三十六條

附錄

崇報十五條

蔡福州外紀總目終

蔡福州外紀卷一

僊游徐 勳編次

鹽城陳甫伸訂補

恩寵

翰林學士知制誥權三司使蔡襄轉官加食邑制勅
朕祇若先帝之初大賚以勞天下職親地禁之臣皆
先帝所遺以助朕者也其可以後而忘哉具官蔡襄
率德秉義以綏寵祿主國大計功昭于時班命有章
往欽無斁王臨川集

景祐二年春正月孫奭上無逸圖帝命施于講讀閣

至是又詔蔡襄無逸篇于閣屏通鑑綱目

仁宗遇蔡襄厚曰有子如此其母之賢可知命特賜
冠帔端明遺事

蔡襄在朝奏醫人李端試國子四門助教不理選限
皇帝勅曰爾從事于醫久矣而吾左右親信之臣稱
爾之行能請一命馬廐有故常以為爾寵其思淑慎
以稱褒嘉王臨川集

仁宗親書君謨兩字遣使特詔賜蔡襄
勅祕書丞集賢校理蔡襄可特授知諫院事兼修起
居注國家廣開言路崇設諫垣擇方嚴之蓋臣登爭

諫之清列責任九重眷懷亦深向非練達民彝精詳
國體利權不能易所守貴勢無以搖其心則安可劭
厥清芬補予闕政以爾朝奉郎侍御史判三司都理
又司輕車都尉賜緋魚袋周歆等謀猷鯁亮器範冲
深竝繇博古之文皆握丞題之選清心蒞局交負幹
才議事飛章第揚風采每詢朝論亟簡朕心宜進官
聯徃參諫列爾其勤乃節行厲于忠誠姑務罄諤諤
之辭數陳而無撓豈宜持庸庸之計畏避以自安勉
膺寵光武遲明效可依前件勅如右牒到奉行慶曆
三年四月六日下蔡氏宗譜

伯父君謨號美鬚髯仁宗一日屬清閒之燕偶顧問
曰卿髯甚美長夜覆之于衾下乎將寘之于外乎君
謨無以對歸舍暮就寢思聖語以髯置之内外恚不
安遂一夕不能寢蓋無心與有意相去適有間凡事
如此鐵圍山叢談

蔡福州外紀卷二

倦游徐 勸編次

鹽城陳甫伸訂補

德行

蔡端明襄與屯田員外郎劉异約婚厥後端明登禁
從而屯田既沒家益落劉世為福州侯官人端明出
知福州就尋前約其家力以非偶為辭端明曰古人
挂劍尚有心許吾與劉君氣義相求兩家之好雖在
髫鬢媒聘未行然一言豈可食邪今其所不足者不
過謂奩具爾凡女家資遣乃悉自為治辦遂使其子

旬受室以歸 端明遺事

宋人論歐公長于文學蔡公長于政事蓋其天性然也然襄豈徒所在而治為世吏表哉矯矯登朝位直引是非當仁宗時不書溫成后父碑封駁除授非人其執如此竟不究其用而累葉載德世稱名族彼蔡京非公雁行輩邪久據相位未幾覆敗漸盡子孫且耻稱之矣君子提身可不慎歟

興化志

蔡端明襄作四賢一不肖詩作三諫官詩才名表表亦因以預增置四諫之一權幸畏歛俾益為多唐介論公謬公罷公獨論其忠呂景初等論梁丞相罷公

不草其制其升也或推之其墜也或援之公又諫官
之都護殿一不勝于陳執中執中既相公遂斂惠福
州興經術禁浮圖巫妖蠱毒之患為絕其後治開封
治三司皆號精明惟知泉州罪章拱之卒為士論所
少豈朝端風采施之外服或過邪然公能文章尤工
于書不肯為仁宗寫溫成碑此其介然于中者何如
也

宋名臣言行錄

帝初召夏竦為諫官歐陽修蔡襄等交章論竦不忠
王拱宸亦言竦經畧無功帝未省遽起拱宸前引裾
畢其說帝乃悟襄有退邪進賢良遷喻

綱目

蔡忠惠公云事父母之道曰孝天之性也事君上之道曰忠人之義也猶耳目心腹有身則有之非外物也邇代以旌賞勸其孝爵祿勸其忠則孝非天之性忠非人之義矣猶耳目心腹豈為人歟無乃亦若鷺白鳥玄蓋物之本然也苟染而色之何可長也惟忠與孝待勸而行詎至孝至忠乎夫忠孝者感天地動鬼神故有冰魚寒筍之事返風起木之應或歸名沽譽雖勸諸亦可捨諸則三五之世忠孝多由于性三五之後忠孝多由于勸也勸之尚不能況不勸乎自

蔡君謨弟君山為開封府太康主簿時予與君謨皆為館閣校勘君山數往來其兄家明年君謨南歸拜其親夏京師大疫君山以疾卒于縣享年二十八今年君謨又歸迎其親自太康取其柩以歸且謂予曰吾兄弟始去其親而來京師欲以仕宦為親榮今幸還家吾弟獨以柩歸甚矣老者之愛其子也何以塞吾親之悲子能為我銘君山乎乃為之銘歐陽文集陳烈先生幼嘗與蔡君謨同研席後君謨鎮福唐勵精為郡嚴肅吏治毫髮不容合境大化一日先生往見焉維舟廬下聞公之嚴察不往謁留詩曰溪山龍